

**Ն.Ս.Օ.Տ.Տ. ԳԱՐԵԳԻՆ Բ. ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ
ԽՈՍՔԸ ՀԱՅՈՑ ՑԵՂԱՍՊԱՆՈՒԹՅԱՆ 100-ԴՂ ՏԱՐԵԼԻՑԻ
ՄԻՋՈՑԱՌՈՒՄՆԵՐԸ ՀԱՄԱԿԱՐԳՈՂ ՊԵՏԱԿԱՆ
ՀԱՆՁՆԱԺՈՂՈՎԻ ՆԻՍՏԻՆ**

(29 հունվարի, 2015 թ.)

Մեծարգո Նախագահ Հայաստանի Հանրապետության,
Մեծարգո Նախագահ Լեռնային Ղարաբաղի Հանրապետության,
Միրեցյալ եղբայր ի Քրիստոս,
Ամենապատիվ Հոգեւոր Տեր,
Մեծահարգ Վերապատվելի,

Հանձնաժողովի հարգարժան անդամներ եւ սիրելի ներկաներ,

Հայոց հոգեւոր կենտրոն Մայր Աթոռ Սուրբ Էջմիածնից ողջույն եւ օրինություն ենք բերում ձեզ: Այսօր մենք վերստին մեկտեղվել ենք քննարկելու Ցեղասպանության 100-ամյա տարելիցի ծրագրերի եւ նախանշված միջոցառումների կազմակերպչական հարցերն ու համակարգման աշխատանքները:

2015 թվականը Հայոց Ցեղասպանության գոհերի սրբադասման լուսավոր խորհրդով բացվեց մեր կյանքում: Ցեղասպանության 100-ամյա տարելիցի առիթով, ինչպես արդեն հայտնի է, Առաքելական մեր Սուրբ Եկեղեցին ապրիլի 23-ին հանդիսավոր արարողությամբ սրբոց կարգն է դասելու հանուն հավատքի եւ Հայրենիքի իրենց կյանքը գոհաբերած մեր նահատակներին: Սրբացյալ մեր նահատակների բարեխոսությունը նորոգելու է կյանքը մեր ժողովրդի, նրանց հոգեւոր սխրանքի ոգեկոչումը քաջալերելու է մեր ժողովրդի զավակներին՝ ապրելու աստվածասեր ու հայրենանվեր ոգով եւ գորացնելու՝ մեր իրավունքների պաշտպանության, հայրենի մեր երկրի հզորացման, ազգիս լուսավոր ապագայի կերտման կամքն ու վճռականությունը: Ցեղասպանության 100-ամյակը, մեր արդար դատի պաշտպանության գործում ունեցած ձեռքբերումներով հանդերձ, նոր հանգրվան է պահանջատիրության եւ հատուցման արդար մեր պայքարի ճանապարհին: Մեր ժողովուրդը, որն այսօր դիմակայում է բազում խնդիրների ու դժվարությունների, Հայրենիքի շրջափակման, պատերազմի սպառնալիքի, նաեւ միջազգային հարթակներում թուրքիո կողմից Հայոց Ցեղասպանության ճանաչումը ձախողելու փորձերի, վճռականորեն շարունակելու է արդարության իր պայքարը: Հայոց Ցեղասպանությունից 100 տարի անց մեր նահատակների արյան, մեր կորուսյալ Հայրենիքի, մեր սրբավայրերի, մեր ոչնչացված մշակութային

բազում արժեքների հանդեպ արդարությունը դեռևս չի վերականգնված՝ չնայած Հայոց Յեղասպանությունը ճանաչվել ու դատապարտվել է շատ պետությունների եւ հեղինակավոր կազմակերպությունների կողմից, որոնց երախտապարտ է մեր ժողովուրդը: Համայն ազգիս արդար սպասումն է, որ Թուրքիան եւս միանա Յեղասպանությունը ճանաչած երկրներին՝ առերեսվելով սեփական պատմության հետ: Թուրքիո պետությանը պատասխանատվության կանչելու եւ հայոց դատի պահանջատիրության մեջ մեր ժողովրդի մղիչ ուժը ոչ թե ասելությունն է ու թշնամանքը, այլ արդարությունը վերականգնված տեսնելու պահանջն ու ձգտումը: Թուրքիան առ այսօր տարբեր խարդավանքներով ու դավերով շարունակում է Հայոց Յեղասպանության՝ իր ժխտողական քաղաքականությունը: Նույն գործելաոճի հերթական դրսևորումն է Յեղասպանության 100-ամյակի տարում Թուրքիայի իշխանությունների կողմից ապրիլի 24-ը Գալիպոլիի ճակամարտի 100-ամյակի օր հռչակելը, ինչն ակնհայտ է, նպատակ ունի շեղելու աշխարհի ուշադրությունը եւ նվազեցնելու Մեծ Եղեռնի մեկդարյա տարելիցի նշանակությունը: Հայրապետական Մեր հորդորն է աշխարհասփյուռ Մեր գավակներին՝ գործադրելու բոլոր ջանքերն ու միջոցները՝ հանրային, պետական ու միջազգային բոլոր հարթակներում ներկայացնելու Թուրքիայի ժխտողական քաղաքականությունից բխող նման քայլերի իրական բնույթը, ոգին եւ նպատակը, հրատապ պահելու Հայոց Յեղասպանության համընդհանուր ճանաչման ու դատապարտման, արդարության իրագործման պահանջը: Հայոց Յեղասպանության 100-ամյա տարելիցը կոչ է արդարության վերականգնման, հորդոր է դատապատելու ներկա աշխարհում գործված բոլոր ցեղասպանությունները, մոլեգնող ահաբեկությունները, ի վերջո, խղճի եւ մարդկայության դեմ կատարվող ոճիրներն ու հանցագործությունները: Յեղասպանության 100-ամյա տարելիցը նաեւ կոչ է աշխարհին՝ վերջ դնելու սեփական շահերի համար մարդկանց եւ ժողովուրդների կյանքի գոհաբերմանը, նրանց իրավունքների ոտնահարմանը: Աշխարհի եւ մարդկության ապահով ու բնականոն կյանքը խաթարող ոճրագործությունները որոշապես հետեւանք են նաեւ Հայոց Յեղասպանության համընդհանուր դատապարտման հապաղման:

Ողջունում ենք որդեգրումը հռչակագրի եւ Մեր գնահատանքը բերում խմբագրական կազմի անդամներին:

Առաքելական մեր Սուրբ Եկեղեցին, համայն աշխարհասփյուռ հայության ներուժն ու միասնականությունը գորացնելով, շարունակելու է հայրենի պետության, ազգային կազմակերպությունների ու հաստատությունների հետ ջանքեր գործադրել հանուն մեր արդար դատի հաղթանակի, շարունակելու է ջանքերը միջազգային ու միջեկեղեցական ասպարեզներում՝ ի խնդիր Հայոց Յեղասպանության ճանաչման եւ Յեղասպանության հետեւանքների վերացման:

Հայրապետիս աղոթքն է, որ Աստված խաղաղություն շնորհի ողջ աշխարհին, մարդկության կյանքում գորացնի համերաշխությունն ու սերը, որպեսզի բարի արգասիքներով արդյունավորվի ժողովուրդների համակեցությունը:

Թող Տերը հավատքով գորացյալ եւ միասնական պահի մեր ժողովրդին, խաղաղ երկնքի ներքո պահպանի մեր Հայրենիքը, գորակից լինի համայն հայությանը՝ հզոր դարձնելու մեր պետությունը եւ բարօրության ու առաջընթացի մեջ հաստատելու մեր ժողովրդի ընթացքը:

Շնորհք, սէր եւ ողորմութիւն Տեսնն մերոյ Յիսուսի Քրիստոսի եղիցին ընդ ձեզ եւ ընդ ամենեւեւսն. ամէն: